



4. januar 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Illumik pisinermut atatillugu illup qanoq innera pillugu naliliisalernissamut misissuisoqarnissaa pillugu:

1. Illumik pisinermut atatillugu illup qanoq innera pillugu naliliisalernissamut misissuisoqarnissaa pillugu Inatsisartut 2016-mi Upernaakkut ataatsimiinneranni immikkoortoq 51 aqutigalugu Naalakkersuisut suliaqaqqullugit peqqusinerat sumut killippa?

2. Suna pissutaava Naalakkersuisut nassuiaammik Inatsisartunut suli agguasimannnginnerannut Inatsisartut aalangerneranni ersarissumik allaqqagaluarmat, tamanna pissasoq kingusinnerpaamik januaarip ulluisa aallaqqaataanni 2017-mi?

(Inatsisartunut ilaasortaq Justus Hansen, Demokraatit)

Tungavilersuut:

2016-mi Inatsisartut Upernaakkut ataatsimiinneranni aalajangiiffigisassatut siunnersuut imaattoq akuerineqarpoq:

" Illumik pisinermut atatillugu illup qanoq innera pillugu naliliinermik sanasoqartalernissaanut inatsisitigut piumasaqaateqartalernissamut atatillugu aningaasatigut iluaqutissanik ajoqutaasunillu misissuisoqarnissaa pillugu kiisalu illumik pisinermut atatillugu illut nukimmik atuisarnerat pillugu nalunaaqutsiisarnissap inatsisitigut piumasaqaataalernissaanut atatillugu misissuisoqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut. Aamma misissuinermi ilanngullugu paasiniaqquneqarpoq sillimmasiisarfiit piginnittut nikinneranni suleqataanissaminnut piumasaqaatigisinnaasaat kissaataallu. Misissuinerup inerneru Inatsisartunut agguanneqassaaq ulloq 1. januaari tikitsinnagu."

Siunnersuummi ersarissumik takuneqarsinnaasutut misissuinerup inerneru Inatsisartuni ilaasortanut agguanneqareersimasussaagalarpoq. Tamannali suli pinngimmat sukumiisumik nassuiaasoqarnissaa kissaatigaara.

Demokraatini isumaqarpugut demokratimut pingaaruteqarluinnartoq, Naalakkersuisut Inatsisartut aalajangingaannut ataqqinnittarnissaat.

Apeqqutit akeqquneqarput ullut suliffiit naliginnaasut qulit iluanni.